

Adnan Tinjić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Adnan Tinjić
Naziv Teme	Historijska građa o privrednim prilikama Tuzlanskog okruga u vrijeme austrougarske uprave
Rezime/Abstract	Izučavanje privredne historije Bosne i Hercegovine u austrougarskom periodu (1878-1918) je značajno pitanje kojim se bavilo nekoliko referentnih bosanskohercegovačkih historičara. Međutim, u tom kontekstu, privrednim pitanjima u periodu austrougarske vladavine na prostoru sjeveroistočne Bosne, nije pridavana posebna pažnja, u smislu da nije napisana cijelovita monografija koja bi se bavila ovom problematikom na nivou sjeveroistočne Bosne. Ovo posebno zbog činjenice, što upravo na ovom području u navedenom periodu privreda dobija na značaju, razvijajući snažno industriju, zasnovanu na bogatim privrednim resursima kojim je raspolagalo ovo područje. Ovaj rad ima za cilj otvoriti ovo važno pitanje, a na način ukazivanja na historijsku važnost izvora prvoga reda pohranjenih, prije svega, u Arhivu Tuzlanskog kantona i Arhivu Bosne i Hercegovine, ali i drugim ustanovama u našoj zemlji i izvan nje (arhivi u Brčkom, Doboju, Beću i drugi). Navedeni izvori nezaobilazni su u rasvjetljavanju privrednih prilika na području sjeveroistočne Bosne u vremenu austrougarske uprave. Rad daje historijski presjek historiografije o privredi Bosne i Hercegovine pod austrougarskom upravom, ali fokus istog posvećen je pružanju osnovnih informacija o fondovima i zbirkama Arhiva Tuzlanskog kantona koji sadrže pregršt informacija o stanju i razvoju različitih segmenata privrede, od poljoprivredne problematike, preko trgovine, zanatstva, bankarstva do industrije. Radi se o fondovima privrednih preduzeća, osnovanih za vrijeme austrougarske uprave Bosnom i Hercegovinom (Rudnici uglja „Kreka“ Tuzla, fabrika sode „Solvay“ Lukavac, Fabrika špirita Kreka), ali i fondovima i zbirkama iz sfera uprave, bankarstva, sudstva, ličnim zbirkama i dr. koji mogu pružiti informacije o privrednim prilikama Tuzlanskog okruga u periodu austrougarske uprave. Uz arhivsku građu koja se čuva u Arhivu Tuzlanskog kantona, posebno je značajna i za temu relevantna ona koja se nalazi u depoima Arhiva Bosne i Hercegovine u Sarajevu, o kojima su također dati osnovni podaci. Po relevantnosti i značaju za izradu historiografskih djela o privredi Bosne i Hercegovine u Arhivu Bosne i Hercegovine ističu se fondovi Zajedničkog Ministarstva finansija – Odjeljenje za Bosnu i Hercegovinu, Zemaljske vlade za Bosnu i Hercegovinu, Zemaljske banke za Bosnu i Hercegovinu, Trgovinske komore i dr. Dodatno, nisu zanemareni ni ostali historijski izvori, poput putopisa i periodike, kojima su posvećena posebna poglavljia. Danas je nemoguće zamisliti istraživanje historije bez modernih, IT tehnologija – navedenima je, te njihovoj integraciji sa modernom arhivistikom, također posvećena značajna pažnja u magistarskom radu.
Datum	08.09.2020
Predsjednik	Dr sc. Senaid Hadžić, redovni profesor izabran za užu naučnu oblast „Novi vijek“ na Filozofskom fakultetu Univerziteta u Tuzli
Mentor	Dr sc. Izet Šabotić, redovni profesor izabran za užu naučnu oblast „Novi vijek“ na Filozofskom fakultetu Univerziteta u Tuzli
Član komisije	Dr sc. Sead Selimović, vanredni profesor izabran za užu naučnu oblast „Savremeno doba“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	Dr.sc. Adnan Jahić, redovni profesor izabran za užu naučnu oblast „Savremeno doba“ na Filozofskom fakultetu Univerziteta u Tuzli
Dodatni detalji i lokacija	Javna odbrana završnog magistarskog rada obavit će se 08.09.2020. godine u 10:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.